

唐棲志卷十五

仁和王同輯

人物八 方外

世豈有仙佛哉而安爐卓錫者間以果報之說警惕
愚氓吟咏之才緣飾梵偈亦彼教中之傑士也卽非
方外亦將以寓賢傳之豈好尚異端哉志方外

唐

永明智覺禪師居俗時以本誓願不惜身命用官錢放
生逮罹重辟感神人夢告吳越王遂得出家住持博
陸慧日寺與長耳定光更相唱和世咸知其爲無量

唐棲志

志方外
卷十五

一

壽佛誕生人間

又按禪師本傳云師主永明十五載
度弟子一于五百人致永明寺卽大

善寺也號曰永明則又
住持唐棲之大善寺矣

宋

永頤唐棲寺僧南宋革命後稽內翰典籍有唐棲釋水

頤所著雲泉詩集一卷版存臨安大街陳氏書坊中

曹岷棲
水文乘

汶陽周伯弼端平詩雋有留別唐棲雲泉上

人詩云水宿唐棲寺何緣更浹旬千山今日路三歲
異鄉人小殿眠身佛空廊折臂神歸時重作禮又拂
一香塵集中又有贈唐棲寺僧詩云山門寂寞唐棲
寺別去閒居又一年草暗墓田晴雁遠花明春院一

僧禪雲房夕磬浮清雨水殿寒燈宿細煙作得詩成
無寄處幾回遙認隔溪船留題唐棲寺詩云僧房十
日相留戀爲怯春寒未到家插岸斷冰妨盪漿入簷
飛雪助煎茶空臺穴碎逃秋蟻古殿巢翻失暮鴉惟
有溪梅最森耐傍籬爭發向陽花按雲泉者永頤之
禪號而卽以之名
集故曰雲泉詩集何春渚唐棲志畧載釋永頤詩於
唐棲寺今不贅然永頤固詩僧也汶陽周君與之唱
和實已開棲霞禪院唱和集之先聲矣惟何志唐棲
寺而曰無考曹岷樓乘知永頤爲南宋時僧而曰
未詳駐錫何處則又未加深考之故觀伯弼詩則永
頤之駐錫唐棲寺也可無疑觀曹岷所云南宋革命
之後則唐棲寺爲南宋
時之梵刹又可無疑

明

唐棲志

志方外
卷十五

一一

陳守清甯波鄞縣人傭棲上乘唐棲跨塘有橋額曰通

濟久益傾圯往來病之蔣瑤長士人以舟濟疾風急

湍溺斃者歲有三四過者憫焉而懼其功之大守清

過其地錢福長天晚雨驟陳守清目其險私盟於心

積念鬱慮剪髮走四方錢福長募財重建工鉅費殷

久莫就緒陳靈撰擊柝里中莫有應之者乃埒漕艘

入京師拽鍊索棋盤街中太監麥秀異之入語宮中

周太后助銀四百二十兩武宗在青宮亦賜三十兩

并無量壽佛一軸街街寶台輔以下莫不喜捨令秀

馳驛齎銀爲建此橋不踰年陳守清橋克遂事陳靈

骨塔記

長橋

記 并造廣濟庵餘橋圓滿橋北聖院陳守清骨塔記 棲里自

張士誠開濬大河風氣未聚得建此橋然後行旅無

裹裳之苦閭閻有鎖鑰之依漸成名鎮棲水文乘

馮園寄客曰陳守清以傭工發願髡髮如頭陀狀雖於彼法參悟無實錄可記而志在利濟亦金仙氏之大作爲而安得以方外而忽之

潘爛頭明初寄跡於仲墅之眞福宮俗名曰需甸 嘗於廁間

戲作符篆天神下怒以雷筆點其首後輒潰爛拭其

潰以傳瘡疽應手而愈善噓咒雲雨追魂殄祟每以

游戲之人皆呼爲潘爛頭後不知所終棲里景物畧

覺如上人住持長橋廣濟庵陳麋公嘗於霜降後送元

唐棲志 志方外 卷十五

宰於西湖同玉川道人梵儀詩衲過訪覺如上人破

寺空樓一燈晏如眞有道者所棲也見麋公廣濟庵

偶記

古卓大師者俗偁立禪和尚西水祇堂庵日就傾圮里

中長者禮請古卓大師募修師樵李諸生也壯歲棄

家入道志行甚篤爲時所欽乃慨然置身磚龕中終

日危立飲食起居外惟持誦梵笈而已歷有年歲布

施翕然金錢充溢棟宇重新自言二六時中止起念

頭四十番一日坐關中得悟而越出年近七十卓去

病輩延請入南山別墅十餘年後胡元敬先生送之

語溪某寺以終

棲里景
物畧

古卓立禪時祇堂有飯頭僧不知名姓早晚惟執爨厨
下喃喃念唵但哆叭但哪不歇於口一夕晏坐三官
殿中閉目跏趺不露聲息有進香士人泊舟於岸進
謁僧詢之故士人備道所以僧曰檀越不須遠去前
路必有風波盜賊之險何不閒伴老僧坐坐去也好
士人異之扣以佛家罪孽果報僧曰不須多言檀越
看取自知於是用足向地一頓地獄劃然頓開牛旁
鬼卒罪犯各各呈露至十八界而盡無何鷄鳴僧震
威一唱寂然不見士人頓首嘆服解維而去歸途果

唐棲志

志方外
卷十五

四

遇盜劫幾覆舟得脫而還復泊舟到寺尋此僧已遁
跡不知所往士人咋舌嘆爲聖僧禮拜而去

同上

道人魯雲陽者松江人往來三吳間身不滿五尺背穹
若龜面奕奕有神喜誼諧跳盪尤能忍穢見人唾輒
舐之或自小遺盥面每浴必候眾人往垢賦滿盤輒
啜盡人以爲狎其顛而遠其不潔崇禎壬癸間來棲
上館於卓肖生家簪花滿椎髻亦腳與市上兒相逐
嬉戲出其囊大半屬兒童弄物人或遺之金未嘗卻
金錢土塊雜投囊中黠者因取之亦不復惜又好吹
洞簫擊劔起舞每導引骨節珊珊然鳴如空中破竹狀

一日坐長橋上伸一足倒持橋欄觀者錯愕道人吹簫終一曲然後起常自橋躍入水中良久然後出不用巾拭閉息俄頃膚且燥矣其顛如此每與之正論言有倫次罪罪可聽叩以養生玄秘之旨所示人深淺不同然初不匿問其休咎輒張目不語道人後復歸松江途遇節推前導故冲其節呵之不止杖之十餘佯死輒蛻去人以爲尸解云徐大津灝曰人以道人茹垢爲顛抑末矣道人似非顛者殆有鑒於費長房之僧穢而棄于其師韓矯之歟雖然垢淨兩忘着絲毫於胸中雖有道之士烏能無嘔哉予往苦於應

接問道人何以待之道人曰應之以事不應之以心噫道人似非顛者徐士俊贈雲陽魯顛仙詩云我見活仙人顛趣長飛舞坐卧作嬰兒朝夕拜呂祖祖是回也空子其參也魯骨節響珊珊衣裳亦楚楚隻手走青蛇雙足躍蒼虎欄街唱哩囉眞言銘肺腑龜息與龍眠靜與天地古往來三吳間津梁啟聾瞽自云宅厥功逍遙歷險阻此際覓魚頭海上紅輪吐吹簫趁落花弱水能搖櫓

掩覽香公者吳之詩人吳鼎芳字凝父者也世居洞庭之武山年未三十生四子一夕夢大士告曰偕爾佛

子傳佛慧命因展兩手光作布滿空界反照身心瞿然而寤遂斷絕妻子緣入雲棲祝髮蓮池在師像前因名大香年已四十矣登霞幕山叅本靜心禪師言下大悟復行腳十年孤寂無侶每嘆曰末法凌夷宗以講論晦教以脫畧晦升座說法吳越間日無甯晷過潔溪登聖日峯絕頂欣然卓錫布石爲念歸臺語徒眾曰他日堆骨於此石縫吾事畢矣崇禎丙子九月八日結跏而逝徒眾瘞之如其言世壽五十五僧

臘一十六著雲外集經律集錄十餘種

錢牧齋列朝詩集小傳

按庵囀大香禪師嘗住持大善寺中靜慮之暇作無心栢賦又有大善寺八咏及大善寺雨坐詩秋夜淨

唐棲志

志方外卷十五

六

業樓詩皆詳梵刹志及雜記中卓人月有聽庵囀師說法大焯寺詩亦詳梵刹志固前明時棲水一詩僧也

葛衣和尚者明季來遊棲里身披大袖葛衣裏無襯服寒暑不更容體修偉自言樵李人亦不知其姓氏無事祇大笑善風鑑人之禍福發言奇中亦不受人之酌性嗜酒見人輒索飲飲竟畧無酒意郡少年欲悔其醉使之縱飲僧乃立吸數罌亦不至醉祁寒風雪中每和葛衣浴于溪久之乃出少頃濕氣如烟蒸葛衣卽燥夜宿于枯廟不能定其踪跡甲申之變大哭數日不知所往僉謂異人云

棲里景物畧

受聞法師字道樞杭之仁和人也俗姓張與鼐同出憲卿行中公之後師有至性甫離襁褓輒歌讚梵唄結趺坐稍長矢志出家父母未之許年十二父辭世請於母若兄者再竟薙染于唐棲之大善寺時叅介山如禪師受沙彌戒後唵噴法歸請首楞嚴師侍聽三月盡得法要越明年詣蓮居新伊眞公又明年叅月明汰如何公諸尊宿又明年入龍門禮石雨方禪師圓比丘菩薩戒勵精勤最後游皋亭至崇光寺觀桐溪雪松禪師時雲老人宏演天台教觀諸書直指人心見性成佛師卽詣桐溪求證通悟理觀妙明心中

圓鑑大地及自身相如片雲點太虛聞磬聲出禪身汗如雨白于洞溪桐溪曰是觀行中輕安小力耳若作聖證卽受羣邪師更精進於一家教觀之主會通若日中天卽一時稱尊宿者或未易及也丙戌春棲上檀護卓海幢沈弱先張中南三先生以清流院向屬台宗無相法師道場啟請師住方丈師堅拒不得歲乙未歸夢神僧登玉屏峰頂指大善寺言曰汝初叅戒山如禪師於此剎終當爲此剎了一大事因緣令檻摧殿缺可乎歸瞿然悟不數月棲上眾居士等復請住大善寺會含輝王公爲母百歲預祝任修大

殿繕琉璃修寮舍禪居煥然非師之美緣福德曷克
臻此順治丙申六月師示疾及篤召親友于榻前備
述前夢曰予生平有三未了願第一無古人修懺因
緣第二把生身怙恃斷絕蒸嘗大事第三捨百松幽
溪桐溪以來所付所授不下眾對曰不難懺可續修
也蒸嘗可進木主于家廟也法嗣有師素所屬意許
可之楚公芹在也師欣然曰善遂集眾授衣拂於芹
二十六蚤對大眾曰吾夜夢神僧來迓豈卽昔之登
玉屏峯頂者耶至戌時師忽見幡蓋盈空蓮花布地
知生淨土卽趺坐誡眾曰生無所生滅無所滅唯具

唐棲志

志方外
卷十五

八

體而已尋合掌朗誦法華經題七遍持彌陀佛號百
餘聲安詳而逝沒之日顏貌不少變若有異香馥郁
龕几間大眾奇之師生明萬曆三十九年歲癸丑八
月十一日亥時世壽四十有四僧臘三十有二

節采
張半

庵撰
行狀

國朝

聖道禪師諱行祥字聖道武康人俗姓姜母沈氏夢曰
照雪牛而生幼不喜茹葷家貧不能讀書隨父樵牧
爲活每求出家以乏人代養不果年二十六父病沒
哀毀骨立如不欲生歲餘母亦終號慟過之七斷將

家中所有悉付一炬卽捉筆退婚行腳叅訪踰年至唐棲資慶院知爲通衢多善知識往來便投入院禮本爲爲師隨眾作務然不知經卷惟恃往生呪一百八遍不設床席常在三門經行困倦時惟卧拜而已戊辰冬至棲水卓海幢居士同眾檀越請于資慶禪院開堂結制百日解期還出自後國變烏瞻山寺爲賊所據徒眾什物星散師不得已往來於杭棲之間順治丁亥十月十八日封翁卓海幢華誕禮千佛懺請師普說咨叩懇勸語具別錄庚寅冬內翰朗彝同長公子子孟請師爲封翁薦嚴三次上堂復有總理

砌塘之舉住資慶院未幾賊平還山修葺未半而卒壽七十有二按師之苦修勵行雲遊所至每留聖迹參禪說偈雖古高僧無以過之備詳張半庵所輯行畧中文甚長不具錄僅節其卓錫棲水之大畧而已沙門朗然住持落瓜里中土穀祠師無奇行苦修嚴戒見重於時圓寂之日徐野君士俊弔以詩并序曰沙門朗然是余落瓜里中老僧也居士穀祠四十餘年恭誠有餘勤修苦行里人無大小皆重之庚寅冬杪一病而逝年七十有三矣按庚寅爲順治八年所歷我里中繁華蕭索之象種種不一師終始安之徵其有定力云

詩曰沙門號朗然來自前溪吧撒手棄妻孥獨攜瓢
與笠初從一乘歸精廬結山僻旣而投我時長者盡
歡懌建茲庵與居齋魚響晨夕吾宗方盛時施供亦
不惜念佛參三昧月朔無虛席誰知十年來兵荒忽
兼歷烏衣寥落多白挺或時出堂構成烟火慘目難
具述余居徙西水去此里纔十有時訪朗師相與話
疇昔爲余指點之傷心涕頻雪庶幾道人露電難
奔逸恐生繫戀心桑下不三日我里旣荒涼吾師亦
圓寂安得舊精魂重遇三生石

豁堂名正岳一字茱庵錢塘人少學儒業於沈無回經

唐棲志

志方外
卷十五

十

史百家靡不通曉順治辛卯中主淨慈寺嘗往來鄞
上駐錫於鹿野庵爲妙觀上人摹古小景絕佳所著
有谷鳴個庵同凡草行世

天岳字本盡號寒泉子康熙壬子主清流寺方丈說法
之暇與里中名宿卓亮庵天寅王迪齋治宋玉山琦
輩倡和風雅結文字緣所著有牧石吟直木堂詩石
苞等集行世有謝棲霞石公看菊見招詩曰南山在
東籬兀兀溪邊屋地古花盡開天寒井初綠前日招
我來花短草萋萋昨日招我來花如高於人我乍號
菊客君當成菊民不怨西風意由來勝小春又過卓

亮菴水上園時繼重輯賦贈詩曰竹舞終年雪巖欹
幾樹雲地從谿上得花向睡邊聞鸞翮方中散鵝書
且右軍南山高半檻時對客平分又答沈秋湄兼柬
費子菟一詩曰鄴水秋清羨巨鱸鄴山地靜采蘼蕪
園林作夢非同昔玄白傷心懶著書葉落偶聞晨雨
細天寒長見暮雲孤湖亭幾日芙蓉老莫廢烟波訪
釣徒

用宗名寂道號雪門武林張氏子三世祝髮溥濟遵祖
師然明創放生會每月八日延里中耆彥釀金錢買
贖生命放於橫潭出鉢貲重建精舍裝金佛像善隸

唐棲志

志方外
卷十五

十一

書晚年精岐黃術施醫藥拯疾苦邱克承贈雪門詩
曰一卷寒窗對綠筠遠公道貌喜爲隣石枰落子常
操勝鋏筆藏鋒最有神幾處佛燈當客夜許多鄉夢
到鷄晨安蔬何必兼梁肉學着袈裟聽果因

覺朗號實鑑梵修如意庵後退居浮梁殿淡泊甯靜一
日往里中朱雲生家清譚忽有僧來張惶而言曰法
師亟歸師夷然曰何曰師卧寮爲人偷竊矣師怡然
不動聲色乃曰旣已竊去歸何哉人問歸曰房中有
重物乎曰窮和尚安得有重物乎有施主送我幾雙
履襪敝衣服數金碎銀而已蓋彼不知吾如此而俟

我出以取之耳仍然坐譚了無形色人皆嘆歸爲不着相之眞善知識也

皈一俗姓朱棲里三分村人自幼祝髮吳山海會寺豐
頤偉體不知者視爲酒肉僧棲鎮長橋弘治間朞于
陳守清事詳殿元錢福碑記迨康熙中橋身傾圯行
旅苦之里人卒無倡者師至慨然任之辛勞叩募不
三載而煥然一新說者謂守清師再來人也沈沙村
詩云利人術不等身謀犯難甯思出一頭頂禮全忘
眞佛子心思繼竭好緇流福清碑版半猶照海會門
風孰與收驥尾青雲相綴附遺傳能說後千秋